

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-125-10/22
Teočak, 17.03.2022. godine

Na osnovu člana 64. stav (1) tačka b.), člana 70. Zakona o javnim nabavkama („Službeni glasnik BiH“ broj: 39/14) i člana 43. Statuta općine Teočak („Službeni bilten općine Teočak“ broj: 5/08 i 2/12), a na preporuku Komisije za javne nabavke Općinski načelnik d o n o s i:

O D L U K U

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke broj: 02-11-125-9/22 od 17.03.2022. godine, Ugovor za nabavku građevinskih radova na uređenju poslovnih prostora u objektu sportske dvorane Teočak se dodjeljuje ponuđaču: „Braća Karić“ doo Zenica po ponudi broj: 58/22 zaprimljene dana 11.03.2022. godine za ponudenu cijenu od **43.672,00 KM** bez PDV-a kao najpovoljnijem ponuđaču nakon održane e-aukcije.

Član 2.

Prijedlog Ugovora dostavit će se na potpis izabranom ponuđaču: „Braća Karić“ doo Zenica sa sjedištem u ulici Zmaja od Bosne bb- Poslovna zona 1, 72000 Zenica.

Član 3.

Izabrani ponuđač je obavezan u roku od 5 (pet) dana od dana prijema ove Odluke dostaviti dokaze o činjenicama navedenim u Izjavama koje su dostavljene u ponudi broj: 58/22.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici Općine Teočak www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka broj: 02-11-125-1/22 dana 21.01.2022. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-8-3-2/22. Procijenjena vrijednost javne nabavke bez PDV-a je 42.400,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-125-7/22 dana 14.03.2022. godine, Zapisnik o pregledu i ocjeni ponuda broj: 02-11-125-8/22 dana 17.03.2022. godine, Preporuku za izbor najpovoljnijeg ponuđača broj: 02-11-125-9/22 dana 17.03.2022. u postupku javne nabavke: Nabavka građevinskih radova na uređenju poslovnih prostora u objektu sportske dvorane u Teočaku.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 3 (tri) i to ponude od „Dinamico“ doo Kalesija, „Braća Karić“ doo Zenica, i „Elektrocentar Petek“ doo Tuzla
- ukupan broj blagovremeno zaprimljenih ponuda je 3 (tri) i to ponude od „Dinamico“ doo Kalesija, „Braća Karić“ doo Zenica, i „Elektrocentar Petek“ doo Tuzla

Kriterij za ocjenu ponuda je najniža cijena.

Tehnički, pravno i ekonomski gledano ponude od sva 3 (tri) ponuđača su **prihvatljive** jer ispunjavaju sve uslove tražene tenderskom dokumentacijom.

Dinamico doo Kalesija je dostavio ponudu po cijeni od 55.737,52 KM bez PDV-a, odnosno 65.212,90 KM s obračunatim PDV-om, „Braća Karić“ doo Zenica su dostavili ponudu po cijeni od 43.672,00 KM bez PDV-a, odnosno 51.096,24 KM sa obračunatim PDV-om i „Elektrocentar Petek“ doo Tuzla je dostavio ponudu po cijeni od 46.538,75 KM bez PDV-a, odnosno 54.450,34 KM s obračunatim PDV-om. Za ponuđače je dana 16.03.2022. godine organizovana e-aukcija sa početkom u 15:00 h, na kojoj nije bilo nadmetanja. Kao najpovoljnija ponuda je ocijenjena ponuda od ponuđača „Braća Karić“ doo Zenica sa ponudom od od 43.672,00 KM bez PDV-a.

Komisija je dala preporuku Općinskom načelniku da prihvati ponudu najbolje rangiranog ponuđača „Braća Karić“ doo Zenica, ukoliko se mogu obezbijediti dodatna sredstva za ovu javnu nabavku.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku i obezbijedit će se dodatna sredstva za ovaj postupak javne nabavke s obzirom da je ponuđena cijena neznatno viša od procijenjene.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Pouka o pravnom lijeku

Protiv ove Odluke može se izjaviti žalba najkasnije u roku od 5 (pet) dana od dana prijema ove Odluke.

Dostavljeno:

- svim ponuđačima
- a/a



Općinski načelnik

Tajib Muminović